

LAS VISCHNANCAS DIN GEA!

Il 1. d'avust 1848 è il Cussegl grond dal Grischun sa radunà per preparar la votaziun davart la nova Constituziun federala. Unanimamain e d'ina opiniun sco mo darar ha el sustegni l'approvaziun. En la missiva accompagnanta da la votaziun „als cussegliers ed a las vischnancas onuraivlas“ ha el bain renvià a varsaquants dischavantatgs per il Grischun, ha però accentuà ch'i sa tractia tar la constituziun dal 1848 „d'ina obra da deliberaziun independenta e nunperturbada dals deputads da tut ils stadis svizzers“, entant ch'il contract fede-

ral dal 1815 anc vertent saja stà „in'ovra da la necessitad e da la prescha influenzada fermamain dals representants da pussanzas estras“. Sco argument per in'approvaziun è vegni menziunà en il Cussegl grond plinavant che tut ils chantuns lamentian disfavors e perditas materialas, ma quai plectentia bain per l'equiliber da la proposta.

Fin a la constituziun dal 1854 vegnivi votà en il Grischun anc adina sco en l'antierur stadi liber, i valeva la maioritad da las vischnancas giudizialas e

betg quel dals burgais cun dretg da votar. Il Grischun era il sulet chantun en Svizra cun questa pratica da votar. La votaziun ha lura gi lieu en tut las vischnancas ils 20 d'avust 1848, ils resultats èn stads da consegnar fin ils 28 d'avust. Il resultat è stà fitg cler: ins ha dumbrà 51 vuschs acceptantas e 12 vuschs refusantas, cun la pli gronda part da vuschs refusantas da la Surselva. Trais vischnancas han trames mess memia tard lur resultats; ma er ellas avevan votà per l'approvaziun. L'acceptanza clera da la Constituziun federala po vegnir


visa sco expressiun da l'integrasiun adina pli gronda dal Grischun en la Svizra durant l'emprima mesadad dal 19avel tschientaner. A quest svilup avevan contribuì en spezial er las festas panfederalas da gimnastica, chant e tir.

Ils 12 da settember 1848 han ils representants chantunals delegads a la Dieta federala a Berna pudì constatar l'approvaziun da la constituziun. Cura ch'il resultat è vegni fatg palais, duain er en il Grischun avair sunà ils zains da las baselgias.


Ils resultats da la votaziun en il Grischun dals 20-8-1848 en la terza colonna principala („Abschied vom 1.ten August 1848, I“). Ils resultats dad in pèr vischnancas han quintà pliras giadas. La clav cumplitgada sa basava essenzialmain sin las cumparts da la populaziun. En tut hai dà 66 vuschs.

Gerichtsgemeinden	annehmend	ablehnend	
Disentis	5		
Lugnez	3		
Ilanz Gruob	3		
Waltensburg Ruis		2	
Laax Seewis		1	
Hohenstrins	1		
Tamins	1		
Im Boden		2	
Thusis Cazis	1		
Heinzenberg	1		
Safien	1		
Schams	2		
Rheinwald	1		
Misox Hochgericht		1	
Misox Gericht		1	
Roveredo		1	
Calanca	1		
Oberer (Grauer) Bund	20	8	
Davos	2		
Klosters Innerschnitz	1		
Kosters Ausserschnitz	1		
Castels Luzein	1		
Castels Jenaz	1		
Schiers Grünsch	1		
Seewis	2		
Maiefeld	2		
Belfort		1	
Churwalden	1		
Schanfigg	1		
Zehngerichtenbund	13	1	
Chur	2		
Bergell	1		
Fürstenuau	1		
Ortenstein (im Berg)*	-	-	
Oberhalbstein		1	
Tiefencastel		1	
Oberengadin	2		
Bergün	1		
Obervaz		1	
Obvaltasna	2		
Untervaltasna*	-	-	
Fünf Dörfer	3		
Puschlav	3		
Remüs Schleins Samnaun	2		
Münstertal	1		
Gotteshausbund	18	3	
Rekapitulation			
Oberer (Grauer) Bund	20	08	
Zehngerichtenbund	13	01	
Gotteshausbund	18	03	
Kanton Graubünden	Total, gültige Stimmen	51	12

* ausbleibend, Untertasna (2 Stimmen) und Ortenstein (1 Stimme) haben damals ihre Resultate nicht fristgerecht eingereicht



In'egliada en il protocol da la regenza chantunala. Sboz dal scriver a las vischnancas cun la comunicaziun dals resultats da la votaziun davart la „revisiun federala“. In exemplar dal text stampà n'è betg pli da chattar.



Ils resultats da l'entira Svizra da la votaziun davart la Constituziun federala dal 1848: 15½ chantuns han ditg gea, 6 ½ han refusà. A Lucerna han ins senza far lungas quintà las abstenziuns sco vuschs acceptantas, a Friburg ha il parlament decis senza du-mandar il pievel.